



Broj: 10/E-11-7017/24  
Sarajevo, 29-11-2024 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024. godine, (u daljem tekstu: Komisija III), u postupku javne nabavke: Nabavka električne energije za potrebe Općine Centar Sarajevo (Zapisnik o pregledu i ocjeni ponuda broj: 10/E-11-7017/24 od 29.11.2024. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Pripivata se ponuda ponuđača **JP ELEKTROPRIVREDA BOSNE I HERCEGOVINE d.d. – SARAJEVO**, sa sjedištem u ulici Vilsonovo šetalište broj 15, 71000 Sarajevo, Ponuda broj: 04-40788-1/24 od 13.11.2024. godine, za nabavku električne energije za potrebe Općine Centar Sarajevo, putem otvorenog postupka, u ukupnom iznosu od **193.245,16 KM bez PDV-a (zbir svih jediničnih cijena mjernih mjesta)**, odnosno **226.096,84 KM sa PDV-om (zbir svih jediničnih cijena mjernih mjesta)**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku električne energije za potrebe Općine Centar Sarajevo, pokrenut je Odlukom Općinskog načelnika o pokretanju postupka broj: 10/E-11-7017/24 od 25.10.2024. godine, putem otvorenog postupka. Predmet nabavke nije podijeljen na lotove.

Obavještenje o nabavci 848-1-1-126-3-203/24 od 31.10.2024. godine je objavljeno na Portal javnih nabavki ([www.ejn.gov.ba](http://www.ejn.gov.ba)), a sažetak Obavještenja o nabavci je objavljen u „Službenom glasniku BiH“, broj 76/24 – Oglasnik javne nabavke. Ispravka za Obavještenje o nabavci: 848-1-1-126-8-217/24 od 13.11.2024. godine objavljena na Portal javnih nabavki ([www.ejn.gov.ba](http://www.ejn.gov.ba)), a Ispravka za obavještenje o nabavci je objavljena u „Službenom glasniku BiH“, broj 80/24 – Oglasnik javne nabavke.

Obavijest o izmjeni tenderske dokumentacije broj: 10/E-11-7017/24 od 18.11.2024. godine objavljena je na Portal javnih nabavki dana 18.11.2024. godine.

Procijenjena vrijednost javne nabavke bez PDV-a iznosi **213.675,00 KM**.

U roku za predaju ponuda koji je određenom tenderskom dokumentacijom (28.11.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača **JP ELEKTROPRIVREDA BOSNE I HERCEGOVINE d.d. – SARAJEVO**. Prema Zapisniku o zaprimanju ponuda broj: 10/E-11-7017/24 od 13.11.2024. godine nije bilo neblagovremeno primljenih ponuda.

U skladu sa članom 63. Zakona o javnim nabavkama (u daljem tekstu: Zakon) Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave pročitana je cijena ponude kako slijedi:

R/b	Ponuđač	Ukupna cijena bez PDV-a /za mjerna mjesta iz Priloga 2. (od 1 do 80)/	Popust	Ukupna cijena sa PDV-om /za mjerna mjesta iz Priloga 2. (od 1 do 80)/
1.	JP ELEKTROPRIVREDA BOSNE I HERCEGOVINE d.d. – SARAJEVO	193.245,16 KM	/	226.096,84 KM

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je jednoglasno konstatovala da dostavljena ponuda ponuđača JP ELEKTROPRIVREDA BOSNE I HERCEGOVINE d.d. – SARAJEVO ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude ponuđača JP ELEKTROPRIVREDA BOSNE I HERCEGOVINE d.d. – SARAJEVO, Komisija III je jednoglasno konstatovala da je podnesena ponuda računski ispravna i da je ispravno obračunata ukupna cijena ponude sa PDV-om.

Rangiranje ponude na osnovu kriterija za izbor ponude „najniža cijena“, u skladu sa članom 64. stav (1) tačka b) Zakona o javnim nabavkama:

Rang	Ponuđač	Ukupna cijena bez PDV-a /za mjerna mjesta iz Priloga 2. (od 1 do 80)/
1.	JP ELEKTROPRIVREDA BOSNE I HERCEGOVINE d.d. – SARAJEVO	193.245,16 KM

Shodno svemu naprijed izloženom Komisija III je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Ponuđača **JP ELEKTROPRIVREDA BOSNE I HERCEGOVINE d.d. – SARAJEVO**, sa sjedištem u ulici Vilsonovo šetalište broj 15, 71000 Sarajevo, Ponuda broj: 04-40788-1/24 od 13.11.2024. godine, sa cijenom u ukupnom iznosu od **193.245,16 KM bez PDV-a (zbir svih jediničnih cijena mjernih mjesta)**, odnosno **226.096,84 KM sa PDV-om (zbir svih jediničnih cijena mjernih mjesta)**, kao najpovoljnije, za nabavku električne energije za potrebe Općine Centar Sarajevo, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri. Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena (kopija bankovnog izvoda računa sa kojeg je izvršeno plaćanje), obavezno se dostavlja ugovornom organu u roku za izjavljivanje žalbe.



Prilog: Zapisnik o pregledu i ocjeni ponuda  
broj: 10/E-11-7017/24 od 29.11.2024. godine

**Dostaviti:**

1. Ponuđaču: JP ELEKTROPRIVREDA BOSNE I HERCEGOVINE d.d. - Sarajevo  
ulica Vilsonovo šetalište broj 15, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis